

**Ո Ր Ո Շ ՈՒ Մ թիվ- 8**  
**վարչական տույժ նշանակելու մասին**

«15» հունվարի 2021թ.

ք. Երևան

ՀՀ պետական եկամուտների կոմիտեի իրավաբանական վարչության պետ Ա.Մնացականյանս, քննելով Ռոբերտ Սամվելի Նազարյանի վերաբերյալ նյութերը.

**Պ Ա Ր Զ Ե Ց Ի՝**

2019 թվականին դեկտեմբերի 17-ին Ռոբերտ Նազարյանի կողմից թիվ 05100033/171219/0167923 տարանցման հայտարարագրով ՀՀ է ներմուծել ընդհանուր 1057 ԱՄՆ դոլար արժեքով 2004 թվականի արտադրության, <<NISSAN MARCH>> մակնիշի, BK12087074 նույնականացման համարի աջակողմյան ղեկային տեղաբաշխմամբ տրանսպորտային միջոց, ինչի համար Արևելյան մաքսատուն-վարչության Բագրատաշենի մաքսային կետ-բաժնում լրացվել է թիվ 05100033/171219/0167923 տարանցման հայտարարագիրը, այնուհետև 2019 թվականի դեկտեմբերի 19-ին լրացվել է <<Մաքսային տարածքում վերամշակում>> մաքսային ընթացակարգով թիվ 05100020/191219/0006787 ապրանքային հայտարարագիրը: Համաձայն թիվ 05100020/191219/0006787 ապրանքային հայտարարագրի՝ հիշյալ տրանսպորտային աջակողմյան ղեկային տեղաբաշխումը ձախակողմյան ղեկային տեղաբաշխմամբ փոխարինելու համար սահմանվել է 6 ամսյա ժամկետ:

Մաքսային հսկողության ներքո գտնվող ավտոմեքենան հայտնաբերելու ուղղությամբ իրականացված գործողությունների ընթացքում Ռոբերտ Նազարյանը հայտնել է, որ վերոնշված տրանսպորտային միջոցը մասնատել և մաս-մաս վաճառել է իրեն անձանոթ տարբեր անձանց:

Փաստի առթիվ ՀՀ ՊԵԿ Մաքսանենգության դեմ պայքարի վարչությունում Ռոբերտ Նազարյանի նկատմամբ ՀՀ մաքսային օրենսգրքի 198-րդ հոդվածի հատկանիշով 15.12.2020թ կազմվել է մաքսային կանոնների խախտման վերաբերյալ արձանագրություն:

ԵԱՏՄ մաքսային օրենսգրքի 2-րդ հոդվածի 41-րդ կետի համաձայն՝ մաքսային հսկողությունը մաքսային մարմինների կողմից կատարվող գործողությունների ամբողջություն է, որոնք ուղղված են մաքսային կարգավորման ոլորտի միջազգային պայմանագրերի և (կամ) ակտերի ու մաքսային կարգավորման վերաբերյալ անդամ պետությունների օրենսդրության պահպանման ստուգմանը և (կամ) ապահովմանը:

ԵԱՏՄ մաքսային օրենսգրքի 10-րդ հոդվածի համաձայն՝ Միության մաքսային սահմանով ապրանքների տեղափոխումն իրականացվում է Միության մաքսային սահմանով ապրանքների տեղափոխման վայրերում՝ բացառությամբ այն դեպքերի, երբ Միության մաքսային սահմանով ապրանքների տեղափոխումը կարող է իրականացվել այլ վայրերում՝ սույն հոդվածի 3-րդ կետին համապատասխան, և այդ վայրերում գտնվող մաքսային մարմինների աշխատանքի ժամանակ: Միության մաքսային սահմանով ապրանքների տեղափոխման այն վայրերը, որտեղ ապրանքները ժամանում են Միության մաքսային տարածք, համարվում են ժամանման վայրեր:

ԵԱՏՄ մաքսային օրենսգրքի 13-րդ հոդվածի 1-ին և 2-րդ կետերի համաձայն՝ միության մաքսային տարածք ներմուծվող ապրանքների տիրապետումը, օգտագործումը և (կամ) տնօրինումը, Միության մաքսային սահմանը հատելուց հետո և նախքան մաքսային մարմնի կողմից դրանց բացթողումը, իրականացվում են օրենսգրքով:



ԵԱՏՄ մաքսային օրենսգրքի 14-րդ հոդվածի 1-ին կետի և 7-րդ կետի 1-ին ենթակետի համաձայն՝ Միության մաքսային տարածք ներմուծվող ապրանքները Միության մաքսային սահմանը հատելու պահից գտնվում են մաքսային հսկողության տակ: Սույն հոդվածի 1-ին և 3-րդ կետերում նշված, ինչպես նաև սույն հոդվածի 4-րդ կետում նշված ապրանքները, որոնք չեն ճանաչվել որպես Միության ապրանքներ՝ սույն Օրենսգրքի 210-րդ և 218-րդ հոդվածներին համապատասխան, գտնվում են մաքսային հսկողության տակ միության ապրանքների կարգավիճակ ստանալը՝ բացառությամբ սույն հոդվածի 12-րդ կետով նախատեսված դեպքի:

ԵԱՏՄ մաքսային օրենսգրքի 262-րդ հոդվածի 9-րդ կետերի համաձայն՝ Միության մաքսային տարածք ներմուծված անձնական օգտագործման ապրանքները Միության ապրանքների կարգավիճակ են ձեռք բերում դրանց ազատ շրջանառության համար բաց թողնելու պահից:

<<Մաքսային կարգավորման մասին>> ՀՀ օրենքի 123 հոդվածի 1-ին պարբերության 1-ին կետի և 2-րդ պարբերության համաձայն՝ Հայաստանի Հանրապետության սահմանով տեղափոխվող ապրանքները և տրանսպորտային միջոցները, ըստ մաքսային ընթացակարգերի, մաքսային հսկողության տակ են՝ «բաց թողնում» ներքին սպառման համար» և «Վերաներմուծում» մաքսային ընթացակարգերի դեպքում՝ ներմուծման պահից մինչև բաց թողնելու պահը:

Անկախ սույն հոդվածի առաջին պարբերությամբ սահմանված հսկողության ժամկետներից, ներմուծվող ապրանքները Հայաստանի Հանրապետության տարածք ներմուծման պահից մինչև որևէ մաքսային ընթացակարգով հայտարարագրվելը գտնվում են մաքսային հսկողության տակ:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 198-րդ հոդվածի համաձայն՝ մաքսային հսկողության ներքո գտնվող ապրանքներն ու տրանսպորտային միջոցներն առանց մաքսային մարմնի թույլտվության մասնակի կամ ամբողջությամբ հանձնելը, օտարելը, ոչնչացնելը կամ կորցնելը՝ առաջացնում է տուգանքի նշանակում՝ այդ ապրանքների և տրանսպորտային միջոցների մաքսային արժեքի հիսուն տոկոսի չափով:

Համաձայն ՀՀ կենտրոնական բանկի պաշտոնական կայքէջի տվյալների՝ 1 ԱՄՆ դոլարի փոխարժեքը 15.12.2020թ-ի դրությամբ կազմել է 525,09 ՀՀ դրամ, այսինքն՝ 15.12.2020թ. դրությամբ 1057 ԱՄՆ դոլարը համարժեք է եղել 555,021 ՀՀ դրամին:

Ռոբերտ Նազարյանը ծանուցվել է գործի քննության վայրի և ժամանակի մասին, սակայն վերջինս չի ներկայացել, միջնորդություններ, առարկություններ չի ներկայացրել: Գործի քննությունը կատարվել է նրա բացակայությամբ՝ հիմք ընդունելով ՀՀ մաքսային օրենսգրքի 219-րդ հոդվածի 2-րդ մասը:

Այսպիսով, գործի նյութերով պարզվել է, որ Ռոբերտ Նազարյանը իր անվամբ 05100033/171219/0167923 տարանցման հայտարարագրով ՀՀ է ներմուծել 2004 թվականի արտադրության, 555021 ՀՀ դրամ արժեքով <<NISSAN MARCH>> մակնիշի, BK12087074



նույնականացման համարի ավտոմեքենա, որը մաքսային հսկողության գտնվելու ժամանակ, առանց մաքսային մարմնի թույլտվությամբ, մասնատել և օտարել է, այսինքն՝ Ռոբերտ Նազարյանը թույլ է տվել ՀՀ մաքսային օրենսգրքի 198-րդ հոդվածով նախատեսված մաքսային կանոնների խախտում, ինչը հիմնավորվում է մաքսային կանոնների խախտման արձանագրությամբ, վերոնշյալ տարանցման հայտարարագրով, Ռոբերտ Նազարյանի բացատրությամբ:

Վերոգրյալի հիման վրա և ղեկավարվելով ՀՀ մաքսային օրենսգրքի 198-րդ հոդվածով, 206-րդ և 221-րդ հոդվածներով,


### Ո Ր Ո Շ Ե Ց Ի՝

1. Ռոբերտ Սամվելի Նազարյանը (ծնված՝ 12.02.1976թ., հաշվառված՝ ՀՀ, ք. Երևան, Շենգավիթ, Ղարիբջանյան փողոց, տուն 49, անձնագիր՝ AT0486815) ճանաչել զանցառու ՀՀ մաքսային օրենսգրքի 198-րդ հոդվածով և նրան տուգանել թիվ 05100033/171219/0167923 տարանցման հայտարարագրով ներմուծված ավտոմեքենայի մաքսային արժեքի 50 տոկոսի չափով՝ 277,511 ՀՀ դրամ

/վճարումը՝ 900005024055 հաշվեհամարին կող 19/:

2. Որոշման մասին հայտնել Ռ.Նազարյանին՝ պարզաբանելով, որ ՀՀ Մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ Մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ դա կայացնելուց հետո 10 օրվա ընթացքում կամ ՀՀ Վարչական դատարան երկու ամսվա ընթացքում

ԻՐԱՎԱԲԱՆԱԿԱՆ  
ՎԱՐՉՈՒԹՅԱՆ ՊԵՏ



Ա. ՄՆԱՑԱԿԱՆՅԱՆ